

Illud tantummodo non commitemus, ut quo uno
comprehendi omnia credimus, Vobis ante oculos
non subijciamus, vestram scilicet virtutem excitantes
ad Ducis Nostri ac Pastorum Principis consecrandum
in omnibus exemplar, atque illud sancti-
tatis, charitatis, humilitatis specimen in Vobis ipsis
exprimendum. Si enim ille, cum Patris sui gloriæ
splendor esset & figura substantiæ ejus, assumptæ
carnis nostræ infirmitate, homines à servitute per
humilitatem & charitatem vindictos in Dei Filios
adoptari, & Cohæredes suos fieri voluit; quānam
in se gloriosius ac præstantius cogitationes & labo-
res nostri versari possunt, quā ut hujus hominum
cum Christo conjunctionis ac necessitudinis tuendæ
auctores cæteris simus, & in illâ imitandâ bonita-
tis, clementiæ, mansuetudinis Divinâ formâ exem-
plo nostro omnibus facem præferamus? Quâ enim
aliâ ratione super montem excelsum ascendit, qui
Evangelizat Sion? Vobis hujus consecrandæ simili-
tudinis desiderio semel incensus fieri non potest;
quā idem ardor ad vestri universi Populi mentes
conflagrandas dimanet. Mirifica siquidem Pastoris
vis est atque auctoritas ad sui Gregis animos com-
moverendos. Qui cum illius cogitationes, actionesque
omnes ad hoc veræ virtutis specimen conformatas
viderint cum in illo nihil asperum, nihil arro-
gans, nihil elatum, verum omnia charitatis, man-
suetudinis, humilitatis officiis plena viderint, tum
verò acerrimè ad easdem amulandas laudes incitados
sefe sentient. Præterea cum eundem omnis privata
oblitum, cæterorum commodis inservientem, opi-
bus egentes, solatio affictos, doctrinâ rudes, omnes
officio, consilio, pietate sublevantem, populi deni-
que salutem suâ ipsius vitæ præferentem intelli-
gent, hoc Pastoris sui amore, studio ac sedulitate
Necesse libentissimè docentis, cohortantis, obsecran-
tis, arguentis etiam atque increpantis voces audient.
Nam siqui privata rerum cupiditate obstricti
sunt, ac terrena Divinis præferant, quò pacto pote-
runt alios ad Dei charitatem ac mutuam inter se
benevolentiam, divitiis, voluptatibus, honoribus
inhiantes ad rerum humanarum contemptum, fastu
ac superbiâ elati ad mansuetudinem atque humili-
tatem inducere? In JESU CHRISTI igitur disciplinâ
erudiendi